

Siunnersuineq

- Nunanut allanut, Danmark ilanngullugu ilinniartitaanernut ilinniagaqarnersiutit/immikkut pisartakkat pillugit qinnuteqarnermi immersugassamut

”Nunanut allanut, Danmark ilanngullugu ilinniartitaanernut ilinniagaqarnersiutit/immikkut pisartakkat pillugit qinnuteqarnermi immersugassap” immersorneqarnissaanut ilitsersuut una iluaqutaassaaq. Ilitsersuutip immersugassaq malippaa aamma immikkoortunut, illit immikkut arajutsinaveersaagassannut, imaluunniit uppersaammik ilanngussisoqarnissaanik piumasaqaateqarfiusunut ikiuilluni. Annertunerusumik apeqqutissaqaruit Kalaallit Illuini siunnersortinit imaluunniit kommunini ilinniartitaanermit/Majoriaq-mi siunnersortinit ikiorneqarsinnaavutit.

Ilinniarfissanik marlunnik qinnuteqarsinnaavutit. Kalaallit Nunaanni aamma avataani ilinniarfissanik qinnuteqaruit qinnuteqarnermi immersugassat assigiinngitsut marluk immersussavatit. Kalaallit Nunaanni ilinniarneq aamma ilinniagaqarnersiutit pillugit qinnuteqarnermi immersugassaq aamma Kalaallit Nunaata avataani ilinniarnermi ilinniagaqarnersiutit pillugit qinnuteqarnermi immersugassaq. Eqqaamajuk aamma Kalaallit Nunaata avataani ilinniarnissamut qinnuteqarnermi immersugassaq www.optagelse.dk miitsoq immersussagaku.

Qinnuteqaammut ilanngunneqassapput soraarummeernermit, misilitsinnermit aamma ingerlassimasanut immersugassami allanneqarsimasunut uppersaatait. Piffissaq qinnuteqarfissaq sioqqullugu pappiarat uppersaataissat pisariaqartinneqartut pissarsiarinissaat angumerisinnaangikkukku taakku kingusinnerusukkut nassiunneqarnissaat pillugu nalunaarummik allakkanik ilanngussisinnaavutit. Maluginiassavat uppersaatait piumasarineqartoq pigineqalerpat aatsaat ilinniagaqarnersiutit pillugit qinnuteqaatit naammassillugu suliarineqassamat.

Uppersaatait assilineri tamatigut ilanngunneqassapput. Naqeqqaarnera (Originalia) nassiutinngisaannakkit. Assilisani tamaani teqeqqata talerpiatungaani CPR-normut allattassavat.

Ilinniagaqarnersiutit/immikkut pisartagaqarneq pillugu qinnuteqaat uppersaatait ilanngullugit sumiiffimmi ilinniarfigisassamiittumut Kalaallit Illuinut nassiutissavat.

1. Paasissutissat inummut tunngasut

Atitit tamakkerlugit allakkit, aamma atit taaguutaanngitsut tamaasa.

Inuttut paasissutissanit allagaq, www.CPR.dk –mi nem-id atorlugu iserfigisinnaasannit naqitanngortissinnaasat ilanngutissavat.”Registerindsigt”-imiittumi.

Kommuni najugarisatq tassaavoq illit ilinniakkami imaluunniit illit ilinniarnermik ingerlatavit aallartinnera sioqqullugu kommuni najugarisimasat.

6. Naalagaaffimmi innuttaassuseqarneq

Ilinniagaqarnersiutinik pisartagaqarniaruit danskitut innuttaassuseqassaait.

Kalaallit ingerlaannartumik danskisut innuttaassuseqarput.

Danskisut innuttaassuseqanngikkuit maleruagassamik tassanngaanniit immikkut akuerineqarnissannut qinnuteqarsinnaavutit. Kalaallit Nunaannut immikkut ilaqutariinnikkut atassuteqarnissamut piumasaqaammit immikkut akuerineqarsinnaavutit, imaluunniit Kalaallit Nunaannut sunniuteqartunik nunani tamalaani isumaqatigiissutit malillugit danskitut innuttaassuseqartut assigalugit ilinniagaqarnersiutinik pisinnaatitaaffeqarputit.

Inuttut qinnuteqaat aamma immikkut akuerineqarnissamik qinnuteqaruit Kalaallit Nunaanni atassuteqarnerit pillugu uppernarsaat ilanngutissavat.

Ilinniagaqarnersiutit pillugit Namminersorlutik Oqartussat nalunaarutaat nr. 9, ulloq 19. juli 2017-imeersumi aalajangersakkat takusinnaavatit.

7. Atassuteqarneq

Ilinniagaqarnersiutininik pisartagaqarsinnaavutit

- Kalaallit Nunaanni najugaqaruit aamma tassani sivikinnerpaamik ukiuni tallimani najugaqarsimaguit imaluunniit
- ikinnerpaamik ukiuni qulini Kalaallit Nunaanni najugaqarsimaguit 18-inillu ukioqalernerpit kingorna Kalaallit Nunaata avataani sivilisunerpaaamik ukiuni pingasuni najugaqarsimaguit.

Kalaallit Nunaata avataani najugaqarneq, taamaallaat ilinniarnermut imaluunniit kalaallit nunaanni oqartussat peqataaffigisimasaat ikiuisarnermut tunngasunik peqquteqartoq, ilaatinneqanngilaq.

Ilinniagaqarnersiutit pillugit Namminersorlutik Oqartussat nalunaarutaat nr. 9, ulloq 19. juli 2017-imeersumi aalajangersakkat takusinnaavatit.

8. Ilinniarnissamut kissaatigisat aamma tiguneqarneq

Ilinniarnissamut kissaatigisap (kissaatigisat) taaguutaa eqqortoq allaguk. Taaguut eqqortoq uani nassaarisinnaavat: www.sunngu.gl imaluunniit www.ug.dk.

1. 2013-miit atuutilersumik qinnuteqaatit tamarmik Danmarkimi ilinniartitaanerni ingerlaqqiffiusuni qinnutigineqartut www.optagelse.dk optagelse.dk aqqutigalugu tiguneqarnissamik qinnutigineqassapput. Tamanna aamma "immikkut aqqissuussinikkut" tiguneqarnissamik qinnuteqartunut atuuppoq.

Qinnuteqartut www.sunngu.gl –imi imaluunniit www.optagelse.dk –mi allaaserineqartut ilitsersuutit naleqqussassavaat

2. Immikkut aqqissuussinikkut tiguneqarneq pisinnaavoq agguaqatigiissillugu 6-imik karakteereqaruit allatigullu atuartitsissutit killiffiinut aalajangersimasunut ilinniartitaanermit piimasaqaatinik naammassinnikkuit. Maluginiassavat ilinniartitaanerit ilai immikkut aqqissuussinermit ilaanngimmata. Immikkut aqqissuussineq pillugu paasissutissat annertunerusut uani takusinnaavatit <https://sunngu.gl/kl-GL/Uddannelsesstoette/Ansogninger>

Nalornissuteqaruit annertunerusumik uani atuarit www.sunngu.gl imaluunniit Kalaallit Illuini siunnersorti attavigalugu.

10. Timersortartut pikkorivissut – timersornikkut pikkorissusilik

Timersortartutut pikkorivissutut qinnuteqarsinnaavutit, illit Elite Sport Greenland peqatigalugu Namminersorlutik Oqartussat akuerisaannik ilinniartitaanerup ingerlaneramik katiterisimaguit. Aamma Ilinniagaqarnersiutit pillugit Namminersorlutik Oqartussat nalunaarutaat nr. 9, ulloq 19. juli 2017-imeersumi § 4 § 9, § 10 imm. 4, § 21 aamma § 29 takukkit.,

11. Ilinniartitaanerit unitsitat

Ilinniarnissamut piareersarfiusumik imaluunniit inuussutissarsiutinut ilinniartitaanermik qinnuteqaruit taamaallaat akissuteqarfigissavat.

Ukiut kingullit tallimat iluanni ilinniagaqarnissamut piareersarluni ilinniarnert imaluunniit inuussutissarsiutinut ilinniartitaanernik ataatsimik amerlanerusunik unitsitsisimaguit inuussutissarsiutinut ilinniartitaanermut sulii allamut ilinniagaqarnersiutinik/immikkut pisartagaqarnissamut pissarsinnaanngilatit. Taamaattorli pissutsit *immikkoortut* pineqarpata immikkut akuerineqarnissamut qinnuteqarsinnaavutit.

Ilinnianggikkallarnek, meerartaanermi ilinnianggikkallarnek imaluunniit uppersarneqartumik napparsimaneq unitsitsinertut ilaanngillat.

Ilinniagaqarnersiutit pillugit Namminersorlutik Oqartussat nalunaarutaat nr. 9, ulloq 19. juli 2017-imeersumi aalajangersakkat takusinnaavatit..

12. Ilinniarnert naammassimasat

Ilinniarnissamut piareersarfiusumik imaluunniit inuussutissarsiutinut ilinniartitaanermik qinnuteqaruit taamaallaat akissuteqarfigissavat.

Ilinniagaqarsimasutut qaffasissusilimmik inuussutissarsiutinut ilinniarnermik naammassineqarsimasumut amerlanerpaamik ataatsimut ilinniagaqarnersiutinik tunniussisoqartarpoq. Taamaattorli immikkut akuerineqarnissamut qinnuteqarnissamut periarfissaqarpoq, aamma qinnuteqarnermut tunngavilersuummik imaqartumik inuttut qinnuteqaatit ilanngutissallugu.

Ilinniagaqarnersiutit pillugit Namminersorlutik Oqartussat nalunaarutaat nr. 9, ulloq 19. juli 2017-imeersumi aalajangersakkat . § 16 aamma 18 takusinnaavatit.

13. Meeqqanut tapit

Namminersorlutik Oqartussaniit ilinniarnermi tapiissutinik pisartagaqarniaraanni taamaallaat immersorneqartussa.

Danmark-imi SU-mik pisartagaqartunut SU-mi maleruagassanut innersuussisoqarpoq.

CPR-imik nalunaarsuiffimmiit takussutissiaq www.cpr.dk ilanngunneqassaaq uppersarneqarlugu meeqqamut angajoqqaajulluni.

14. Ilinniartitaanerup aallartinnerani angalaneq

Immikkoortoq taanna taamaallaat immersorneqassaaq *illoqarfimmi ilinniarfiusumi* najugaqanngikkuit.

Uppersarsaatit pisariaqartut ilanngutissavatit:

- Najugarnermut uppersarsaat

15. Usinik assartuineq

Ilinniartitaanerup aallartinneranut atatillugu meeqqat angalanissaannut aningaasaliisoqarsimappat pigisat assartornerinut akiliisoqarsinnaavoq. *Taamaattorli Kalaallit Nunaata avataani aamma Nunani Avannarlerni ilinniartitaanernut pigisanik assartuineranut akiliisoqarneq ajorpoq, aamma meeqqat ilagineqaraluarpataluunniit.*

Katisimallugu aapparisaq / inooqatigisaq ilittulli ilinniagaqariartorpat nassiussat angallanneqarnerat akilerneqarsinnaavoq, sivikinnerpaamik arlassi ilinniarnissaat qaammatinik 20-inik amerlanerusunik sivilissuseqarpat.

Pigisanik assartuineq container-ip iluani 5,5 m³-imik annertussusilimmik imaluunniit 5,5 m³-imik annertussuseqartunik usinik tamalaanik assartuinertut akiliisoqartarpoq sillimmasiineq ilanngullugu, pigisat assartorneqartunut 100.000,- kr.-inut sillimmasiisoqarluni. Pingasunik amerlanerusunilluunniit qitornaqaruit containerit marluk imaluunniit nassiussat 11,00 m³-nik annertussusillit akilerneqarsinnaapput.

16. Pisortanit ikiorsiissutit

18-t sinnerlugit ukioqaruit aatsaat immikkoortoq immersussavat.

Pensionisianik imaluunniit allanik pisortanit ikiorsiissutisisaruit tamanna ilinniagaqarnersiutininik pisartagaqarsinnaanernut pingaaruteqarsinnaavoq. Pisortanit ikiorsiissutisimaguit ikiorsiissutisaruilluunniit uppersaammik ilanngussisaatit. Tamanna meeqqat angerlarsimaffiini paaqqinnittarfimmi imaluunniit angajoqqaarsiani najugaqartunut tamakkiisumik isumagineqartunut atuuppoq

Meeqqanut aningaasat aamma atuarnermi aningaasat *tassunga atatillugu* "pisortanit pisartakkatut" isigineqanngillat.

17. Danmark-imi SU

18-t sinnerlugit ukioqaruit aatsaat immikkoortoq immersussavat.

Danmark-imi SU-mik pisartagaqarsimaguit imaluunniit pisartagaqaruit tamanna Kalaallit Nunaanni ilinniagaqarnersiutininik pisartagaqarsinnaanernut pingaaruteqarsinnaavoq. Ingerlaqqiffiusunik ilinnigaqarnerni pingaaruteqarpoq qiornermik qassinik pissarsisinaatitaanersutit. Danskil ilinniagaqarnersiutaannik (SU-mik) pisarsimaguit pisaruilluunniit uppersaammik ilanngussigit.

Danmarkimi ilinniartitaaneq qinnutigineqartoq SU-mik pisartagaqarfiusinnaappat nammineerlutik danmark-imi SU-mik qinnuteqassaatit, uani: www.su.dk.

Danmarkimi SU-mik pisartagaqaraanni Namminersorlutik Oqartussaniit qaammatikkaartumik ilinniagaqarnersiutininik pissarsisoqarsinnaanngilaq, kisiannili Namminersorlutik Oqartussaniit immikkut pisartagaqarnissaq ajornarani.

19. Atsiorneq

Allatatit eqqortumik allassimallugit ilumoorluinnarlutit nalunaarnerit uppersarsapat. 18-t inorlugit ukioqaruit illit angajoqqaatit imaluunniit nakkutiginnittut illit sinnerlutit atsiussapput.

Ilanngussat allassimaffiat

Ilanngussat suut ilanngussimanerlugit allasaatit. Qinnuteqarnermi immersugassaq elektroniskimik immersorsimagukku tassunga tunngasortaa ingerlaannartumik immersorsimassaaq.

Misissugassat Eqqaamavigit?

- Ilinnut inooqatigisannullu atinut allagartaq/kuisinnermut allagartaq imaluunniit katisimanermit allagartaq
- Sumi najugaqartarsimanermit uppersarsaat,
- Soraarummeernermit uppersarsaat imaluunniit karakterit allattorsimaffiat immaqaluunniit aamma piukkunnassutsimik allagartaq
- Immikkut akuerineqarluni qinnuteqaat
- Ilinniarfimmuq qinnuteqaatip kopia

Meeraqaruit ilanngullugit eqqaamassavatit

- Meeqqanut tamanut kuisinermut imaluunniit inunngornermut allagartat
- Imaluunniit CPR-imik nalunaarsuiffimmiit takussutissiaq www.cpr.dk